


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 54 || No. 09

September, 2018



Editor: Rev. Stephen Chinzathang

Synod Kumpuon: **“Pasian thuguh kem”** (I Korin 4:1)

Khristian Tangkou

Vol. No. 54 || Issue No. 09 || September, 2018

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

• Moderator:

Rev. Awnkhankhup

• Moderator Elect:

Rev. Dr. Hangpi Manlun

• Secretary (Sr):

Upa Er. Thangchinmang

• Secretary (Jr):

Upa Liensuonkap

• Treasurer:

Upa Chinsuanthang

• Statistician:

Upa Khaihenthang

• Executive Secretaries:

Rev. Stephen Chinzathang

Rev. Khamchinkhai

A sung thu

- Editorial..... 01
- Thu tuomtuom & Thumpi ding..... 03
- August ha Sawm-a-khat sungte.... 05
- Annania & Saphira..... 06
- Lamkaipu Touna 12
- Youth Corner 14
- Khanglaite Jesu zui dingin 18
- Khristian Nasemte khu 20
- ZPWF Cumlumn 22

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

Khristian Tangkou simtu zousie Mangpa Jesu min in chibai hoitah kahing buh hi.

Sepguol ha hingtung kia pai ding ahita. Sepguol thupi 2018 a ding a Synod Session in ana guot ahileh “Pasian thuguh kem” I Korinth 4:11 na ahi chi theipum in ngaisutna nei vai.

Tam Sepguol thupi pen lungsim ah koi kawm in bang chidan a Mangpa Pasian thuguh eiten i kep thei dinguh ahei chi ngaituo khawm lei hoiva chi in tuate ahi leh Isai 55:6-7 na a tambang in aki giel hi. “Mu bai ding a aum lai in Mangpa sui unlen anai lai in ama han un migilou in a umdan tawpsan henlen midihtat lou in angaituonate tawpsan henlen Mangpa kung ah hing kinuale kie heh Aman ana khotuo ding a Pasian kungah kile kia heh, Aman ana ngaidam mama ding hi.

A. Pasian thuguh kem Thupi:

- a) Pasian thuguh kem kichite koi tobang te ahi tadiei le
- b) Bang a ta diei le tua thuguh kichi pen
- c) Bang thuguh kep ngai a um ahia
- d) Thuguh kem thei dingte bang tobang mite ahi uai

Tua atung lam a Isai 55:6-7 na in agen mabang in

- 1. Pasian thuguh khu Mubai a aumlai in Mangpa sui unlen laisiengthou in achi ahi. Pasian thuguh kem ding ten Pasian toh kizopna anei ding ahi. Pasian toh kizop chi pen Mangpa Jesu Khrist a pientahna nei mi ahiding ahi.
- 1) Pasian a pientahna leh Mangpa Pasian toh kizopna nei lou ten Pasian thuguh akem theisih uh azieh ahileh tami thuguh kichi pen leitung/

vannei a thuneinate toh kibang lou ahi a zong leitung hausatna, sana leh dangka te banga muthei ahi sih.

- 2) Leitung gou te bang a kep ding ahisih hi. Ama uhte goute pen a neiten atham, azat, a toi lou uleh amun a umden uh ahi (Static).
- 3) Eite thuguh kep pen ahileh hinna (life) nei ah kei hinna lampi leh thutah khu kahi Mangpa Jesu in achi ahi (John 14:6)
- 4) Tua eite thuguh kep pen ahileh Sana, Dangka, nei leh lamte banga munkhat a um maimai lou ahi hi.

Tuin ei gingtute Pasian thuguh kem ihina ah, eima mimal chiet ki enchien lei uthuoi kasa hi.

- a) Pasian thuguh kem ding in Pasian hatna (called by God) nei in naki thei chien nai Bible bung leh chang ang namdet piding na nei ei.
- b) Pasian in a Tapa tangkhat neisun ahing solna zieh na thei chien nai Pasian in ahing lungsietna, na thei lou leh Pasian thuguh na kemthei sih ding hi.
- c) Mangpa Jesu Jerusalem a thupi taha tawisang a hina a tua apuonte uleh tumsing na tawi ten Pilat masang ah Jesu khu khailia un chia kikoute lah a koi diandian nalai nama (Tai koikoi nama). Jesu theichien lou na ma mipite a kipah uleh nang zong kipah mipiten seplum ding/ tha ding chia akikou uleh nang zong kikou nama Pasian thuguh kem nahileh Isai in “Mubai ding a aumlai in Mangpa sui unlen anai lai in ama han un” achi ahi.

Na thuguh kep khu Pasian thuguh Vangam lut na ding chabi thuguh ah nangma a Pasian mu nailou in bang na kem thei sih hi. Hattuum sung sietna leh Pasian Hagau hasietna khu tami ahi.

- i) Na thei lou kal in mipi laha Pasian dong manlou in na va kihal tahi.
- ii) Tua thuguh na kep khu thu hing (Namsau a le lamtohi hiem bang ahi) na ki theimaw bawl leh na tung a tua Namsau in ahing vattan ding ahi.
- iii) Tua thuguh khu Pasian in nang ahing pieh nang ma maimai kep ding ahi. Mihonpi toh kitan thei hilou (Pientahna pen Pasian toh nangkal ahi china ahi).
- iv) Pasian thuguh Siempi, Levi te Levi namte in Pasian deilou lam a ama uh tahsa ah a innkuon uleh a nam te un abalaw uhi. Tua bangin nang

in zong, kithei tel sawm in len Pasion na sem ngal a Pasion ta hi ing kichi ngal a ama dei lam sem doh lou nahi leh thuguh kem hilou in Juda Isakariot na hi dinga na kisiemphat lou leh na innsung leh Hattuum tan in Mangpan Anathem Maranatha ahing chi ding hi.

Mangpa'n simtu zousie hing guoljawl taken.

Thy tuomtuom leh Thumpi dingte



1. Pasion hoina leh mapuina toh i thei lou kal un kumtawp lam manaw thei ta ihina toh i Khristian Tangkou deithaw huoitah simtute leh Sermon hing gel piehte kungah lungdam thu igen uhi. Tualeh khochin a Agente kung ah a fee ana pe sausau dingin ikingen uhi.
2. SEPGUOL: Synod Year Planner a umsa bang in September hasung pumpi Hattuum chin ah Sepguol Programme innsuon vena leh Biehna kikhop eima lemtan bangjel a zang leh mang chiet dingin thumkawm in kisakhol va ui. Tahsa hagau a kum dangsang lawhpi chiet sawm va ui. Sepguol tuohkhawm ah zong inei, ilamte toh Mangpa phat vai...! Tukum thupi: "PASIAN THUGUH KEM" chi ahia, District chin, Hattuum chinten Tuohkhawm Office a sun kidem va ui.
3. SYNOD DAY: Synod Year Planner a umsa bang in kumteng a i na manzel uh SYNOD MUNI 10 September eima lemtan dan bang zel un a nuomthei pen leh a manpha theipen a Pasion hoina geldoh kawm in Ama THUPINA pieh na'n zang chiet va ui. Mangpa i tunga akipah leh Hattuum leh pawlpi ten GUOLZAWLNA lam chinteng ah tang ding uhi.
4. SEPGUOL KISUHTUONA: Kum dang a i na bawl zel bang un District lieng a committee umte panlahna toh district chin ah SEPGUOL KISUHTUONA Programme ang tung ding September 30,

2018 chiengin um ding hi. Tahsa hagau a khochin a PASIAN NNA isepkhawm nate leh eima mimal leh Hattuum ten ilawhpi dante uh kithuokhawmna leh Ama bieh leh phatkhawm hun in zang ding uhi. Thumna toh bawzui in pang chiet vaui.

5. LUNGDAMPINA: Local paper a imu bang un Lailam Veng Hattuum apat Lamka District Presbyterian Youth Fellowship (PYF) Secretary hun sawttah term (2) ana puo leh Lamka District (ZPCS) out going Secretary Senior Pa Khaiminlien @ Minlien in sepna tuomtuom ah lawchinna ana nga a, tuma sanga MPCS saina nuoi ah Manipur Education Service (MES) ana mu a, Assistant Inspector of Schools (AI) hun bangtan ahei a sepnuo in khawlsan in Asst. Professor History Department Churachandpur College ah ana joint ta chi thutut kimu hi. Tualeh Manipur University nuoi ah Doctor of Philosophy (Ph.D) Research a bawl laitah ahi. Ama tung ah lungdam thu genkawm in thumpi zing va ui.
6. BSI KHAWMPI CHURACHANDPUR BRANCH: Apeisa August 18th-19th, 2018 sung dai in ECA Church Bible Hill Rengkai ah Bible Society of India (BSI) Churachandpur Branch te saina in kumchin khawmpi nei uhi. Khum nah BSI lamkaite leh Collector te toh vaihawmna (Session) leh Ama biehna leh phatkhawm na'n hun zang uhi. Tualeh BSI te panlahna pen Pasian nna sepna pipen banga ngai in Hattuum chin in zong pibawl a, nungthuop chiet dingin iki ngen uhi.
7. GOSHEN KHOTHA: Zoutang District te panlahna toh Goshem khottha Rev. Dr. Hangpi Manlun Bieltu Pastor panlah na in Hattuum leh Biehinn mun honna leh latna kinei zouta thumna toh bawzui chiet vaui.
8. ZOMI BETHEL KHOTHA: Lamka Districtte panlahna toh Zomi Bethel Hattuum leh khottha honna Rev. Zamlianpau Bieltu Pastor in honna leh latna vanei hi. Amaban kalsuonna ding uh thumna toh bawzui chiet vai.
9. DAMLOU THUMSAHNA: Hunsawtpi damlou a ki-enkawh leh kizen, i Upa deithaw leh it huoi tah Upa Chinkham Zomi Colony, Upa Kaichinkham Muallum, Upa Chinsuonhang Tangpijol leh Upa Khamkhanpau S. Vengnuamte ahi. Pasian khut hat a kepbit a ang dam theina ding thumsah vai.

ZOU PRESBYTERIAN CHURCH SYNOD

July - Augut 20, 2018 tan a Sawm-a-khat sungte

- | | |
|----------------------|-------------------|
| 1. Central Church | 2. Zomi Colony |
| 3. Awnchinkap khuo | 4. Manniang khuo |
| 5. T. Tangnuam | 6. Aina |
| 7. Lailamveng | 8. D. Phailian |
| 9. Kananveng | 10. Thingkangphai |
| 11. Tongdam | 12. Zomun |
| 13. Mualtam | 14. V. Bethel |
| 15. Hiangdung | 16. Tuibuang |
| 17. LDCC Hiangzou | 18. Zoumunnuam |
| 19. Daijang | 20. Imphal |
| 21. Muallum | 22. Belpuon |
| 23. Buhsau | 24. T. Khajang |
| 25. M. Buangmun | 26. Singngat |
| 27. S. Vengnuam | 28. Tangpijol |
| 29. S. Muvanlai khuo | 30. S. Munpi |
| 31. Zoukhonuam | 32. Behiangjang |
| 33. Behiangtung | 34. Hiangtamjang |
| 35. Hiangtam | 36. Tuining |
| 37. PN Khovong | 38. Zomi Zion |
| 39. T. Munnuam | 40. N. Khaukual |
| 41. M. Kholmual | 42. Khuainuai |
| 43. Teisaljang | 44. P. Salem |
| 45. Delhi | 46. Chennai |
| 47. Paspati | |

Lungdampina thu

Chennai Hattuumten Sawm-a-khat leh Missionary Box regular tah a ahing pieh ziehun atung uah lungghdam thu i tut ua, Hattuum naupangtah hinan uleh pahtat huoi in etton tah i sa mama uhi.

ANNANIA & SAPHIRA

Nasepte 5:9-11

-Sye Ginzahau
Zomi Colony

Tuachi'n Peter in akungah, "Bangchidan a, Mangpa Hagau ze et ding a kithutuoh na hi uoi? Ngai in, na pasal vuite keng kotkhah bul ah ahing tungta, nang zong ahing zawng ding uhi," achi hi. Tuatahin akeng bulah apua pai a ashita hi. Tuachi'n tangvalte ahing lut ua, amanu shisa in amu ua, azawng doh ua, apasal kungah avuita uhi. Tuaziehin hattuom zousie leh tam thu za kha pouma nasatahin azauta uhi.

Thumapui:

Leitung i damsung a i ngaituo thupipen ahileh, anneh-tuidawn leh sum-le-paai ahi hi. Nidang in Khota ah kiel a nasa thei mama a, anneh ding zong nei zoulou in Hakai bang na kitou hi.

Mi tamtahte neh-le-tah a buoilou a, minthanna ding a buoipi lai un Ei Zoute khu a tangpi in neh-le-tah a buoi i hi ua, sum-le-paai i suite uh zong neh ding ma, lai i sim un zong neh-le-tah ding ma ahi hi.

Hattuom masate khosah dan:

Tuin agingta mipite khu, lungsim munkhat leh ngaituona munkhat in a um ua, alah ua khat in zong a sil neite khu kei a tuom ahi a chi sih a, sil zousie akitaang zel zaw uhi. Tualeh sawлтаhten silbawltheina thupitah toh, Mangpa Jesu thawkiana theipina thu agen gen ua a, a unpi ua tungah khotuona thupitah a um hi. A lah uah koima tasam a um sih ua, gamte, ahisihleh innte, anei tapouin azua ua, akhotna sumte uh ahing tawi ua, Sawлтаhte keng bulah ahing koi zel uhi, tualeh mi khat poupou in tahsap anei chiengin akhawm

chiet zel uhi. Tualeh Joses sawлтаhten Barnaba achi uh (amin khiehna ahileh kihantawhna tapa china ahi) Levimi Saipras tuikuolkhum gam mi ahia, A gam nei khu azua a, asum ahing tawi a, sawлтаhte keng bul ah akoita hi. (Nasepte 4:32-37)

Hattuom masate hun lai in amau lungkimna leh kithutuohna bangin sil nei-le-lam a kitaang ua a neisate uh zua in Sawлтаhte kengbul ah a hing a hing koi zel ua, tuachin a lah uah koima tasam tuom leh neizaw umlou in kibang in a hing khawm uhi. Tam khu Sawлтаhten a paubawl

uh zong hilou in amau kithutuohna a bawl ahi hi.

Tam Sawлтаhte leh Hattuum masate bang in tu hun in zong Hattuum Pawlchin in kithutuoh a bawl dan i nei chiet ua, tuabang in ei Zou Synod a kikkaikhawmten Sawm-a-khat 70% (za khat ah sawmsagi) Bulpi a sun ding; tualeh Hunbi nei a tuohkhawm tuomtuom Khristmas, Good Friday, Pentecost Day leh a dangdang bulpi a piehlut ding i chi uhi. Tam khu koima hing paubawl ahisih a, eima'n Session a i kithukimna uh ahi hi. Nidanglai in Sawm-a-khat lah ah zah thei neilou in a kim in (100%) Bulpi ah i pie ua, koima a phun nawi i umsih uhi. Hun phabep zou in 10% beh Local in a kitoudelna ding in tang heh i chi kia ua, tuaban ah 20% leh 30% tan in i khangsah uhi. Tam khu eima kibawl Session thuphasah ahi hi.

Hattuum masate hun lai in Anania leh Saphira in a neisa uh zua in asum a hing tawikhawm ua, hinanleh hing tawi napi in a sum kimkhat a phuolgu ua, amau a ding in a koi uhi. A sum a hing tawi ziehun Pasian a kipahsih a, a kimlou ziehin a lungthah zawta hi. Tawilou vet hi uleh bang achi deh aw? chi ngaituona ah a hing lang hi.

Tambang in tulai Hattuumten zong sawm-a-khat hi in silpieh dang zong i pieh chiengun amin mai a tawi a, kiphalna panglou a, mi mitmu a kilawm maimai ahileh Mangpa i tung uah a lungdam nadiei? chi kingaituo tham ching in ka koi hi. Pasian in silpieh maimai a dei ahisih a, i kiphalna a deizaw hi. Pasian khu sil zousie neitu ahia, i neisate uh zong Ama hing pieh guolzawl na ahi. Hinanleh khenkhatten kiphalna leh Pasian hing pieh ahia, ken zong ama satan (sawm-a-khat) ka pieh ding mawng ahi chilou a, mite mitmu a a pelou hiding utlou zieh a pe hamham chite a um thei hi.

Nupa kithutuoh:

Lai Siengthou a Nupa kithutuoh ni i en ding uhi:

1. Abram (Genesis 12:11-20)

Genesis i etleh Abram in ama hankhepa Pasian silbawltheina muonglou in Igipt gam a hing tun chiengun a ji mel hoi ziehin miten hing lahsah va un kei hing that kava uh a chi ziehin a ji pen “ka sanggamnu ahi” a chi a, tuaziehin Igipt Leengpa leh a innkuonte tung ah gawtna a tunlaw hi. Pasian in guolzawl in ji mel hoitah khat a pie a,

tua khu aman a zau ziehin zuougenna in a zangta hi. Pasian ama lam a panglou hileh Igipt Leengpan ji in a nei ding hi. Hinanleh Pasian in a umpi zing ziehin Leengpan bangma a law theisih hi. A zuou gen ziehin Leengpa leh a innsung ah gawtna a tung a, tuaban ah Mangpan a umpi ziehin Izipt Leengpan nei-le-lam tamtah a pesah hi.

- = Tuama bangin tu lai in zong Pasian guolzawl na i tante zieh a zuou gen thei ahi hi. Pasian guolzawl na i tang ua, inn hoitahtah bang lam ahilouleh Pasian guolzawlnate mite mit mu thei ding a zong um ngal in “Kou vang hichi hi bou ung” chia guitam sawm teitei zong ki-um hi. “Pasian guolzawl na ka tang ua lungdam ung, Mangpa thupha hi e” chi a tam hetsih ding hi. Mangpa guolzawlnate kipahpi theilou a mite mai a i zumpi ua, i guitampi uleh a hing guolawlpan “Guolzawl tah vawt uh e, kipah dan siem uh” a hing chi nadiei? Pasian in a guolzawl na kilangtah a muthei a um ngal in Pasian in a satan a nget ‘Sawm-a-khat’ zong pe ngamlou zong um thei hi. A ji pen “Ka ji ahi”

chi maileh Mangpan Leengpa lungsim ah thugen van a deisahna zong a tang sem khamaw sih ding hi. Late ah “Mangpa muongte khu Zion muol kiling ngailou bang ahi uh...” a chi hi.

2. Anania & Saphira (Nasepte 5:9-11)

Nasepte ah Nupa kithutuoh Anania leh Saphira a um kia ua, Hattuum masaten neisa kitang lieilei a, nei-le-lam a zua chieng ua zong Sawлтаhte kengbul a hing tut a a poimaw dan bang zel ua a kihawm lai un Anania leh Saphira in sum mu uh kimkhat a imm mang uhi. Lai Siengthou gen bang in a kim in pie uhenlen a poimaw bang un ngen kia uleh Sawлтаhten zong itlou ding ua a poimaw za uh pe kia ding un a gintat huoi hi. Ahilouleh Peter in a doh in “A kimsih hi, akimkhat kou a ding in ka koi uhi” chi uleh shilaw lou maithei uhi.

- = Tambang in tulai i Khristian hinkhuo uah a um thei zel hi. Anania leh Saphira i mawsah mama ua, tulai hun a eite hindan toh tekahlei a phal sang zawbawn uhi. Ama un a kimkhat a pe

ngam ua, hinanleh tulai in khenkhattena kimkhat genlou Mangpan “Sawm-a-khat khu Kei a ahi” chi giagua napi in i pe ngam tuonsih uhi. Ahilouleh khenkhatten i halaw (Salary) apat sawm-a-khat i pie ua, i muna dangte pen uh Pasion theilou kal chi awmtah in i pe zel sih uhi. Mangpan lah “Na halaw ua sawm-a-khatte’ a chi tuomsih a, “Sawm-a-khat zousie” a chi zaw hi (Malaki 3:10). Mangpan Ama satan Sawm-a-khat peloute khu “Na hing suom uh” achi hi (Malaki 3:8).

- = Tam Anania leh Saphira i genkhah chiengun i mawsah mama ua hinanleh tulai i Hattuumte toh tekah talei Hattuum Upa leh Committee member-te zong Anania leh Saphira sang a bawl hoizawlou tamta i um ngei ding uhi. Anania leh Saphira-ten amau neisa zua in a hing tawi ua, tulai hun ah Hattuum sung a mi gin-umten aneisun, a mu sunsunte lah ua Pasion in a phut “Pasion satan” Biehinn ah a hing tawikhawm lai un Upate leh Pastor-ten Maitam phung ah i lan ua, “Mangpa guta-lata, kangmei patau lah

ah veng inlen” chi in i lan ua, lat zou chiengun Upate leh member-te Committee in i khenkhe zel uhi. Anania leh Saphira-ten amau neisa a zua ua a kimlou zieh a Pasion lungthah ahileh mite Pasion satan liulieu miten a hing tawikhawmte uh lahkensah khu Mangpa a lungdam nadiei chi ngaituo tham a ching hi. Pasion kung a kembit ding a lan in, a lantu zong a gutu a pang kha zel ki-um thei hi.

- = I Leengte 2:22-26 i etleh, Siempi Eli tapaten Mangpa kung a hing haw numeite tung a gamtat hoilou tah a gamta in, Pasion kung a sillat hing kitawite ahunloui a ne in, a tui lailai a tengkhie un a ne ua, tuaziehin Mangpan atung uah gawtna a tungsah hi. Tunin ei Upa, Pastor leh Vaihawmte kingaituo va ui. Bang zieh a i mipiten hing ngaisang theilou a, i thugen ngaikhelou a, a ut dandan ua hing hou uh e? Neh hunloui a nekhah i neu uh e? Ei a ding hiloute tanpha vadugaw kha i hiei? Ahilouleh Pasion deina bang a sem khalou, gen khalou, vaihawm khalou a, mihing kideisahna, kimai-etna a

thu gen, nasem leh vaihawm kha i hiei? Eima deina bang hilou in Mangpa deina bang in. Pawlpi hing deina bang in sem va ui. Mangpa deina mun ah, Mangpa dei bangin, Mangpa a ding in sem va ui; i lawching ngeingei ding uhi.

3. Jawlnei Nehemia hun lai in Jerusalem khopi kisesa siem tha ding in a tangkou a, Leengpa phalna toh a hing siempaha hi. Tuaban ah Nehemia in tambang a Israel tate sietna zieh a hing khuol chiengin a sil mukhiette a siemtup zel hi (Neh. 13:1-31):

a) Israelten gamdai a zawt lai ua tanghou leh tui toh vaidawn lou a, amau samse ding a Balaam chieltu Amon mite leh Moab mite a kikhopna uah a telsah ua, ji-le-ta in a kila un a kinei uhi. Gamdang numeite ji in a nei ua, gamdang pasalte' ji dingin a numeite uh a pie uhi. Leeng Solomon zong Pasian deisahna tang hinanleh gamdang numeite a kitenpi ziehin Pasian a tung ah a lungthah hi.

b) Pasian nasem Siemputen a sepna uh ngaisahlou in mau lou chiet ah a kikuon ua, Pasian Biehinmpi a lasa

ding, pengkul mut ding, sillat lan ding leh nasep ding zousie ahiding bang tah a sep ahitasih hi.

c) Israel taten a pieh ding ua lawm Pasian satan a pieh tahlou zieh un Pasian Inn ah neh-le-tah a kichingtasih hi.

d) Khawlnei a nit sih ua, Khawlnei in uoin suhna khuh ah grep a chil (Uoin a suh) ua, bute puo in Grep ga leh theigate lou in sabiltung van posah in Jerusalem ah van a hing zua ua, a kilei zel uhi. Tai-ar mi Jerusalem a tengten zong nga leh van tuomtuom a hing polut ua,

e) Mangpa a ding a Silpieh kipete kholkhawmna inn khu Sanballat kichi pan a luo a, Mangpa Inn ah kholkhawm a umsah hi.

= Tambang teng ziehin Pasian in a taisan a, a khopite uh kisusie in sal a mat in a um uhi. Tuachiin Nehemia in Israel sung sietdan a thei chiengin Mangpa kung ah theitawp suo a thum kawm in Leengpa deisahna toh Kulbangte siem tha in Mangpa a ding in nna a hing sem hi.

Tulai hun ah zong ki-en

talei tamte sang a huoise zaw ding i tam ding uhi. Tanglai a mite i mawsah mama ua, amau hun ah tenglei i bit tuom ding uoi? I kim ua ginglouten bangma a hing simlou a, a ut dandan ua a hing hou thei uleh musittah a vai a hing hawmkhum uh khu bang zieh adiei? I ginna uh mite mu a kilang theilou ahi diei? Mathiu 5:14-16 ah “*Noute leitung vah na hi uhi, muol tunga khopi um khu akiphuol thei sih hi. Mi’n meivah dein law nuoi ah akoi ngai sih ua, atunna tungah akoizaw uhi; tuachi’n inn sunga mi um zousie ataanvah hi. Tuama bangin na vah uh mi mudingin vah heh, tuachi’n na silbawl hoite amu thei ding ua, Van a um na Pa uh apahtawi thei ding uhi.*” ana chi hi. Eite mangpan vah nahi uh a hing chi a i vahna miten a mu a poimaw hi. Tua khu miten Pasian thupina a mu ua a pahtawi theina ding uh ahi.

Late 23:1-6 ah David in “*Mangpa khu kei hing chingpa ka belampu ahi a, ka tasam sih ding hi.*

Aman lou dawn dipdepna munte ah. Kei ahing lumsah a tui vei sip dide gei ah, ahing pui zel hi. Aman ka hinna ahing bawlhoi pieh zela, Ama min zieh in dihtatna lampi ah ahing pui zel hi. Ahi, shina limguom tawn in pei nanleng; silgilou mawngmawng ka zau sih ding hi; Aziehpén nangman na hing umpi a, na khetbuh leh na chiengin ahing hamuon zel hi. Nangman ahing doute mitmuin ka masangah, annkuong na lui a, ka lu sathau na nu a, ka nou adimlet hi. Pellou in hoina leh zangaina in, ka damsung tengin ahing zui dinga, tualeh Mangpa inn ah kumtawn in ka tengdenta ding hi.” ana chi hi.

Pasian silbawltheina muong va ui. Pasian guolzawl na khu zauhuoilou ahi chi thei in lungdam dan zong thei va ui. Mangpa muongte khu Zion muol kiling ngailou toh bang ahi uhi. Mangpa muong in Mangpa deina mun ah, Mangpa deina bang in Mang a ding in sem va ui.

LAMKAIPU TOUNA

- Upa Suankhanmang

Heisung mun pou ah TOUNA in umzie a nei hi, chi Lai Siengthou ah i mu uhi. Mi khat-le-ni toh umkhawm ahiei, vantang kikhopna ahiei, committee ahiei ah i umna toh kituoh a i touna ding kilawm a um chiet hi. Lai Siengthou in “Mi lah a na um chiengin touna hoipen ah tousin, aziehpén nang sang a poimaw zaw mi khat hing pei chieng, nangpen tanah tou inlen ama i tousah ding hi, chiin na touna hing kilahpiehle na zum ding hi” a chi bang in pawlpi khat pou pou a LAMKAIPUTE TOUNA a um a, tuami Lamkaipute touna in umzie leh mawpuohna a nei chiet uhi. Christian Pawlpi kiphu chil lai Pentecost zou in nuajui 12-te hing pung hat mama in, nei-le-lam kitang leh nekhawm-dawnkhawm a a um lai un, a nichin sil hawm thu uahGreek ham zang meithaite na nelsie uhi chi in Hebrute tungah a hing phunta uhi.

Tuachin, nuajui sawm-le-niten nuajui gingtute a hankhawm ua, “PASIAN THUGEN TAWPSAN A NEH-LE-TAH KA SAI UH A DIHSIH DING

HI, TUASIEHIN UNAUTE AW NA LAH UAH, HAGAU SIENGTHOU LEH PILNA A KIDIM MI SAGI TEL UNLEN AMAUTE TAM NASEM DING A KA GUOT THEINA DINGUN KOUTE PEN THUM LEH THU NAASEM IN KA UM ZOM DEN ZAW DING UHI”, a chi uhi. Nuajui sawm-le-niten nichin neh-le-tah sai a Lamkaipute Touna a Tou sangin THUM leh THU NASEP ding a tel zaw uhi.

Zogam a Pasian thu mu masate leh Pawlpi sung a, a Vaihawm dante uah a chitahna uleh a sienthou dante uh MGP Khangthute ah i mu thei uhi. Lamkai masaten

LAMKAIPUTE touna umzie leh mawpuohnate chientah a a mu pailét ziehun LAMKAIPUTE TOUNA a ngaisang un a zatatna a chil bawl mama uhi.

Tuachiin, Lamkaipute touna a tou dingin Upate/Pastor-te lah ah “HUAIRONG THU” kizeptelloukei a Pasian maipha en zing in Lamkaipute touna a tou dingte a teldoh zel uhi. Tuachi bang a Pasian maipha en zing a vaihawm ahilai in, Vaihawmtute lungsim leh ngaituona ah “Vision” (mulawhna)-te siem tha utnate leh adangdang a SIL HOI BAWL a Pasian nasepnate ah kithutuohna, chitahnate, dan leh dun zui a zatat a tukip zingin

kum 1968in Zou Synod mu ding mulawhna a nei un MGP a pan in Manipur Eastern Presbytery ana phutkhie uhi. Lamkai masate in kum 1968 a Zou Synod mulawhna a neipen uh Upa leh Pastor tamzaw in melmu lou in mi zatam albang a man nua kum 2006 in Zou Synod i muta uhi. MGP Upa Vaihawmte chitahna leh gin-um tah a Pasian nna a sepgimnate uh Pasian apan a guolzawl na tu Khangtha hun ah ahing tungta hi.

Mulawhna nei Upa.Pastor leh vaihawmtute in mihing maipha en kei lou in Pasian maipha en zing in Moderator, Secretary leh lamkai ding a guot chiengun Pasian kungah thum in “HUAIRONG” thu kizeptellou kei in ana guot zel uh ahi chi MGP Khangthu ah i mu thei uhi. Kum 1957-2000 tan sung kum 43 hun sung in Upa (L) Thongzakhup of Tuaitengphaiin Lamkaipu Touna Moderator MGP in sawm-le-khat veibang a tousah thei uhi. Tua hun lai a Upa Vaihawmte dihtatna gasuo tulai khangtha vaihawmte ihi dan kitheisiem a, vaihawm masa Upate

kengkhap manghil guollou ahi dan thei tha zelzel ding ahoi mama hi.

Grik thupil in “SIL DIH THEILOU A A THEILOU AHILAM KITHEILOU MI KHU MIMAW AHIA, SIL DIH THEILOU A A THEILOU AHI CHI KITHEI MI KHU MIPIL AHI” ana chi bang a theiloupi thei kipang, chingloup i a ching dan a umpen sang a miten a thei deu hi, a chin deu hi a chite lamkaina in ana law a beh zaw hi.

Tuaziehin Zougam a Lamkaipu touna a tou Upa leh Pastor-te in Mangpa a ding a theipitu ihina zuousan lou a, thudih, thutah a ding ngam a, Upate in Upa tampi siem ding leh Pastor-te in Pastor tampi siemkhe thei dinga Manggam nna sep ding khu Upa leh Pastor-te liengkoua kinga ahi. Tuaziehin Upa leh Pastor-te, vaihawmna a lamkaipute touna a toute in tu sang a siengthou zaw leh hat zaw a Pasian nasem ding a thutah a kibulphu tha chiet dingin Mangpan simtute hing guolzawl taken.

YOUTH CONER:

FIFA WORLD CUP - 2018 APAT ZILDING ATAM HI...!

World Cup mit phah zena i na et uh pen ahing bei khongkhongta Champion ding a na gintat tampi pulkhe zungzung mai a um lai in, kitaidemna sangtah a CHAMPION hing hipen ngaisang louthei ahisih hi. Champion tha FRANCE te kipahpi chiet phot mai vai. Eite panpi lam ahileh kipah umzaw dieh va. Hamasa ah khun gam tampi hing kidem ua, gam 31 te hing kaidan in a simta uhi. Ahing kai dan uh FIFA in quota ana pieh bang dungzui a EUROPE: Europe gam apat hing kai dohte, Belgium, Germany, England, Spain, Poland Iceland, Serbia, France, Portugal, Switzerland, Croatia Sweden, Denmark leh azintuntu Russia te ahi uhi. Lamdangtaha Europe apat kai zouloute: Czech. Republic, Norway, Israel, Hungary, Turkey, Ukraine, Netherlands (Holland) Greece, Italy leh Ireland te ahi uhi. Italy ngaisang tamna gam ahi ua, Netherlands toh a lawsam khawm uh chi akithei sausau hi.

ASIA: Asia gam apat hing kai dohte: Iran, South Korea, Japan, Saudi Arabia, Australia-te ahi uhi. Nidang a ana kai tutung a kaizou loute UAE, China leh Iraq te ahi uh.

AFRICA: Africa gam apat hing kai dohte: Nigeria, Senegal, Egypt, Tunisia leh Moroccote ahi uh. Nidanga ana kai tutung a kai zouloute: Cameroon, South Africa, Ghana leh Nigeriate ahi uhi. Cameroon leh Ghana kailou a hawm tuom deu hi.

NORTH AMERICA: North America apat hing kai dohte: Mexico, Coasta Rice leh Panama te ahi uh. Akai loute: USA, Canada, Trinidad leh Tobago tamte ahi.

SOUTH AMERICA: South America apat hing kai dohte: Argentina, Brazil, Uruguay, Colombia leh Peru ahi uh. Ana kai ngaizel Bolivia, Paraguay, Chile leh Equador te a kai zouta sih. Chile kailou ziehin Alexis Sanchez ngei zong melmu phah ahi non sih. Tam gam 32te group 8 a khen in group chin apat point sangpen 2 chiette, Pre-quarter a innlam kilekia

ahi uh. Group apat Knock out (Second round) a lut zou lou lamdangtah tah um uhi. Tamte lah ah defending Champion Germany-te match topna ah kikhai lingleng in alut ua, South Korea in lamdangtah a azaw ziehin muolphou taha innlam zuon masa pawlin a pangta uhi. Pre-quarter final ahing lutte, alut ding a kilawm abawl hoi mama ngen ahi ua, Knock out stage ahitah ziehin khatvei ki maituo a, azou lou lou inn lang pei ding ahita mai a, Uruguay in Portugal ahing zou a, France in Argentina ahing zou a, Brazil in Mexico a zou a, Russia in Spain a zou a, Croatia in Denmark azou a, Sweden in Switzerland a zou kia a, tam a zouteng quater final alut uh. Team 32 lah a team 8 chau ahing uhi. Portugal te C. Ronaldo ngaina tuten deisah nanleh uh a support ding hoi hun toh lou ahi ziehin alanglam ah Cavani leh Suarez ki thuopi te hatzaw ahi zieh un zaw ngaina um talou hi. France pen Argentina sanga team hoi zaw ahi ziehun “Messi Messi” chia kikou in umzie anei dieh sih; kilawm lou taha innlam a zot mai uh ngaita. Mexico in defending Champion Germany ahing zaw mai uleh Champion thei ding khopa ana ngai man atam ua, hinanleh innveng huphul umtah anei zing uh Brazil te hing zou talou uhi. Neymar in a sam kilawmzaw deu a ahing siemphat leh ahing chethei deuta. Goal khat akhuma, Firminho khum ding hoitah in apethei kia a, zawna atang mai uhi. Azintuntu Russia in Spain ang zaw maipen anasa mama hi. Goal keeper Igor Akinfeer pen Hero tha ahing hita. A ball mattang dan zong ngaisang huoi mama hi. Croatia mite gintat bangin Denmark ahing zou a. A team uah minthang tuom seng sih nan uleh zong, ateam a hoi ahiziehun zawna atan uh pen lamdang lou ahi. World Cup masapen kum 1930 Uruguay a GOAL ana khum masapen ahileh LUCIENT LAURENT France mi ahi. World a hat-trick 51 ana khumtu CHRISTIANA RONALDO ahia, ama hat-trick zong 51 ahi thou hi. Tutung a world Cup a goal khum tampen England stricker HARRY KANE Golden booth ngaisang huoi mama ahi. Kum 1986 a MARADONA in England goal a akhut a asuhlut khah “Hand of God” ana chi lai zang a, avangsiet law uh ata diei? Tami kum a Champion alah ua pat guol tung tuonna atang thei mawngmwng non sih uhi. Tutung ama uh (own goal/apehlut 12 vel ahi. Hinanleh koima anung a gawtna tuoh um lawmlawm sih va uh. Tutung a World Cup Record khat ahileh amau goal a kikhum (own goal) tamna pen ahi. Final ahileh LUZHNICA Stadium, Moscow ah mihing 78011 in ana en a Television a ana ente mihing maktaduai Sangthum val ding a hisap ahi. World Cup a (21) na Champion

mi tamtahte gintat bangun France ahing hita (4-2) tutung final match pen koi panpi hile chin zong kipahpi aum uhi. Abawl hoi gelgel uh Pele chilou kum 20 ching nailou MBAPPE in pienken a bukimlou naupangte a panpina dingin tutung a asum mu zousie \$ 350,000 apie hi. C. Ronaldo nung hing zui ding abang hi. Mi lungsiet siemte vang vangpha nuom deu uhi. QATAR-2022 chiengin leh ana piching mama tading hi.

THASIET UM TAH 3RD PLACE: Third place thasiet umtah hinanleh, ha pan thou angai hi. England leh Belgium kimaituona ahi. Belgium in thumna ahing luo ta hi. Tutung World Cup 2018 apat zil ding thupite:

- 1) Koima ahat zing ding mong umlou kiziltou zel apoimaw hi. I theilou kal un, miten hing na makhel zungzung uhi.
- 2) Koima simmaw tuom ding umlou, mi zong amau umna chiet a nasataha kisingsa chiet.
- 3) Aminthang zousien bawl hoi zinglou, kipiehzawna, zilpei zingna, kithununna, kingainiemna leh “vang” zong neukhat pang chite hi lawchinna thuguh ahi. June 14 apat July 15, 2018 sung khovel in a bildaw World Cup a hing kichai tamai hi. Akia kum 2022 ah QATAR gam in zintun ding hi. Anai ngal a eilam zong a en a vakuonpha hing ki-um sausau ding hi. Gamsa gam ahiziehin November 21 apat December 18 tan hi ding hi. Khovel aum nalai leh zong ana lamdang mama tava. A lunglen um dingpen tutung a na World Cup na etpi, na nuipi, na kikoupi bangzat ahiei in zong tam khovel nuasie tava uh. Khovel a mihing Billion thumval in a et uh WORLD CUP a beita. Kum 4 sung ngahkia ding ahita.

HAGAU LAM NASEPNA: Hagau lam nasepna a, zauhuoi zaw dieh khu hagalum hinkhuo a, kisuhliem khah ding ahi. World Cup pen kum 4 zou ah umkia ding a, aliemte hing hatkia ding hi Hagau lam a liemna pen “a pawn” aum sawt thei taluo. Ahoipen ahileh kisuhliem lou ding ahi. Guollet chitchiet ding a zong ana dieh aum hi. Zouta deha zoulou, nai mama napi a, gam lapi aum gingtute gaal mun a galzawna leh guolletna vang nichin a Van mite etnop ahi zing hi. World Cup a suhkhiehl neokhat zieh a guollet a pawt vengveng angai hi. Gingtute vang i suhkhiehl ngaidam ding leh, i puona apat hing kaithou dingin i hundampa man sa’n um zing hi. Guollet a

umden angai sih. Kipah tha kia thei ahi puoden/dindoh kia eima deiteelna kinga ahi.

World Cup ana lasate: Brazil (1958, 1962,1970,1994,2002) 5vei Germany (1954,1974,1990,2017) 4vei Italy: (1934, 1938,1982,2006) 4vei Argentina: (1978,1986) 2vei Uruguay: (1930,1950) 2vei England: (1966) 1vei France: (1998,2018) 2vei, Spain: (2010) 1vei World Cup a team/Play ana tel zat = 422.

*** Muanna Ahsi August 2018 issue apat lahsawn**

Tukum World Cup a cash awards (Local paper apat)

1) Winners	₹	255 crores
2) Runners up	₹	188 Crores
3) 3rd Place	₹	161 Crores
4) 4th Place	₹	147 Crores
5) Group stage winners	₹	80 Crores.
6) Eliminated in group stage	₹	53 Crores

YOUTH CORNER:

URUGUAY STRIKER CAVANI THUGEN:

- * Kei pen footballer Khristian hoitah mai kahi sih a, Mangpa adia kimawlmi ka hi.
- * Kaki mawlma leh kimawl zou tengin kipah thugen in ka thum gige hi. Khum ziehin hatlou hun ah zong thuoh siem dan leh zawna tan sawm a kisahthei lou dan zong ka theilaw hi.
- * Foot ball keima hamphatna ding mai in kakimawlsih a, Mangpa Jesu'n nna ka septheina lampi khat hiin ka ngai hi.
- * Champion hizieh a ka kipahna sang in, ka innkuonpi te toh ka kipah a, Mangpa kung ah ka thumkhawm zel thei ua, ang kipah sah zaw hi.
- * Kimawlma ka tawpsan hun chienga, ka nna masapen dingin mite kunga Mangpa Jesu tanchin hil ahi.
- * Kalkhat sung a ka law khiette apat sawm-a-khat Pasion' adi'n ka koi tuom zel a, adangte pen Mangpa'n kul asahna munte ah hing zangsah zel hi.
- * Mangpa Jesu nuazuina leh ginna toh kisai tutanpha in hamsa sahna ahiei? Kisiana ahiei? Khat zong ka neisih.

- * Kei a dinga Mangpa Jesun tam khovel a lawm hoi leh gin-um penpen ahi.
- * Heimun pou a kei a di'n ka Mission field ahi gige hi.

Ruth Massenger 2018 August issue apat lahsawn

DIHMA HILOU I...?

- = Lungkhamna leh beidonna hazahkhum nuoi a hinkhuo ana zang te'n KIPAHNA a manphat dan athei chien pen uhi.
- = Natna in abop mi damtheilou ten chidam-a um a manphat dan a theichien pen uhi.
- = Silhoi bawl miten, silhoi bawl ana manphatdan theichien deudeu uhi.
- = Hattuum beel miten Hattuum bel a manphat dan a theichien mama uhi.
- = Bangma ahilou dan kithei chien miten, Pasion silbangkim ah zong nna thupitah semkhe zel uhi.

Ruth Massanger July-August 2018 issue apat lahsawn

“KHANDLAITE JESU ZUI DINGIN KISA UN”

(Young men, get ready to follow Jesus).

- Upa Khupsuankham

Khanglai hilai khu thahat lai, isep ibawlte thanuom taha isep zoulai ahia, siemna sinna leh i huoh isenthei lai hun uh ahi; Khanglai ihi lai in isepthei ding leh izaw ding chieng theizou sih tananlei, itupte khu agil a asang hi. Khanglai ihi lai in damsung kivahna ding ibuoipi lai in ilungsim a thei zing ding leh itup zing ding khu “Jesu zui ding ahi” Jesu nuazui ding chi khu agen anop a asepkhieh khu namen ahi sih hi. Jesu nuazuina khu sil hamsa mama ahi. Ahivang in alelam ah khun abaisamna a um zel hi. Aziehpén, Jesu hepité a dignin bangma a hamsa aum sih hi. Hinanleh lungsim zousie a hepiloute a dingin anop bangma aum sih hi. Jesu zuina dinga poimaw pen khu “Lungsim zousie a Jesu itna nei” khu ahi. “Na lungsim zousie’n, na hatna zousie” chia Bible in agen bang a iit angai hi. (Deut. 6:5; Math. 22:37; Mark 12:13; Luke 10:27) “Lunggil” ichi chiengin ilungsim

tawnglam (athuh) apoimaw pen, alailung pen agenna azieh Mangpa khu lungsim zousie ah ihepi nai chi kietchien angai hi. I nasepna, I Bible simna leh ilasahna ah khun Mangpa ihepi leh anasep zong nuom isa ua, a thu (Bible) sim zong nop isa ua, Ama phatna lasah zong khu anop hi. Khovel mite kisan in zong ahepite ukung ah nasep nop asa uhi. Ama gengen azui u;;a, ahepite ua dingin shi zong angap hiel uhi. Mangpa nuazuina dinga Mangpa'n ang phut khu 'iitna' ahi.

Jesu Leitunga alenlai lampi a peilai in, lampi gei ah mikhat in Mangpa ei zui vang aw achia, Jesu'n donselou a, apeizel leh lampi gei ah nasem a tou thiu-theu khat kungah hing zui in achia, azuita hi. Ale, Mangpa ken hing zui vang chipa kung ah eizui in chilou a, bangma genlou pa kunga hing zui in achi adiei? Ichi leh Jesu'n mihing lungtang amupailat a, ana sem ding leh semlou ding athei jieh ahia, nang khanglai Jesu zui nasawm leh lungsim thuoni neilou a nazui ding ahi chi ang kiphawh sah hi. Peter in angasa mattengpi nuasie a, azui bangin i mawpuohnate thei a, "Itna toh Jesu zui ding khanglaite kisa un, chi ithupi ahi (Luk 5:11).

Nuazui ding Jesu inei ziehun ivang uh apha a, Aman anua izui na ding ua, i thei ding a agente khu: I innsung mite leh eima hinna sanga Jesu iitzawh ding, tahsa lam ah innsungmite sanga Jesu iitna aletzhw ding ahi. Nichin a Kross puo Jesu zui chi khu hamsatna leh gentheina, gawtna, sil neunou khat bang hinanleh Kross gihtah ahi. Jesu nuazui na khu hamsatna atawpna pen ahi naisih hi. Jesu nuazui dingin, I Mangpa Jesu'n ginumnate, isumkep ipaiepnate a ginum dingin ang phut a, ginumna panglou a Jesu nua pong zui thei ahisih hi. Jesu nuazui a kibawl a, zui khaloute tanchin leh nuazui hina dihtah itheina dingin tamlou gen va-ui.

= Jesu nuazuina khu tahsalam phattomna ding a buoipi khenkhatte khu Pasian a akipiehna uh khu tahsa a dinga phattumna bawl ding a nuazui dinga kipieh a umthei hi. Etsahna'n tulai in gamdang a Bible sim a, zuidoh taphot khu sum leh pai tampi ngaisut a, innlam apei chienga hausatah a umding kinepna avakuon ten zong atup uleh a ki lametnate khat uh hi'n akilang hi. Tuabang a tahsalam a phattumna ding buoipi na khu Jesu nuazui na ahi khasih hi. Khenkhat USA bang ah ut nalai, avakuonna gam ah lah kisakhomisah nalai bang ium ua, bangchin Mangpa i Pasian ithupisah thei tadiei?

= Mi khenkhat taleuleu lah minthan ding delna in ahinkhuo ah akizang a, thugen siemte bangbang a amau zong kizang, aguh a minthanna or mite genphat ding a B.D.; M. Th. Doctorate degree hi ding pawl um ahi. Tambang mite khu min agensiet leh anasep uh tawpsan utphiel te ahi uhi. Tambang a minthanna (Popularity) deitan vang Jesu nua zui hilou in “Jesu kizuisah” nuomte ahi uhi.

= Pasian kipahna sanga ama kipahna ding, lawhna ding, sum tampi nei ding, Mangkam siem ding tupna deina nei atam a, adiehin Khanglaite Khantanhoi nasepna hing kizang utte khu Mangpa kipahna sangin amaa kipahna ding asui zaw ta uhi. Khenkhat “Khanglai leh anasepna na” aginumlou, sum leh pai thu a ginumlou aki um khaleng a, pulpit tung tum a mithitui luong hiel in thugen zel nan ulei iginumlouna in, eima khu mite nuasiet Jesu nuazui hilou in alimmai ihina ang kiphawsah in ang kawhmu hi.

Mangpa Jesu nuazuitu nahina ah khun, kienchien phakia wawi ta, Mangpa khu gin umtah in zuilei, Aman ang zang ngei ding hi.

Mangpa’n simtute zousie guolzawlta hen.

.....

KHRISTIAN NASEMTE KHU PASIAN THUGUH KEMTE AHI UHI (I Kor. 4:1)

- *Upa Khaichinmang, Tongdam.*

Tam atung a thupi kitahlang khu sawltah Paul in Korinth Hattuumte, buoina gingtute hilou a, buoilouna Hattuum ahi theina ding a, ahah ahi. Khrist nasemte khu Pasian thuguh kemte hinkhuo tam anuoi a bang in iki deisahna thu itahlang ding uhi:-

1. Nupate hinkhuo: Laisiengthou zui angaita ahi man in, Jite’n Pasal thu i mang utlou leh pasal nei sese lou ding; Pasal in i ji i itlou a, numei dang i it ding leh Ji nei sese lou ding ahi. Nupa khu shina’n akhenlou leh kikhen kibal lou ding ahi. I tate a tahsa a damlou chieng a, Doctor a adamna ding in, sum leh pai, tha leh zung seng in, i buoipi a, a hagau a damlou ahi

chi thei gegu a, Kalvari Hospital a, puisawm lou ahagau Meidil a alut ding khawhsalou ihi leh “Khrist nasem” ki hithei lou ahi, itate Hagau Meidil a lut ding khawsahlou ihi leh, “TAPA TANU” nei lou ding a, Pasian kung ah i thumlou uh e...! Aw leh i Nupa hon ua, i hagau uh damlou, hagau (Cancer). I phaah huoise tah nei ihi sieng ta uh e le!

2. Hattuum Upate hinkhuo: Hattuum Upate khu Hattuum sung ah mawpuohna lientah nei ahiman un “Khrist Nasem” “Pasian thuguh kem” muonhuoi mama ahi ding uh ahi mai hi. Upate khu akhente singtang a um ihi ua, alou theilou khawpi a zin ding poimaw hun aum chiengin kileh manlou in azan gieh chieng un, a Hattuum kepte ngaituo in zan ah imu thei lou in, genthei tah in hinkhuo amang uhi. A Belamte mukal ngahla in, a innlam a del vevaw uhi. Ahun uh atamzaw te, innsuon tuon in, damloute, innsung kituohloute, Nupa kituohloute, inn ten hasate, apoimaw dungzui uh Pasian kung a guoljawlna thu, silbangkim bawltheipa kungah a nget pieh ua, akhua ua Hattuum sung a shi leh man a um chieng in neitu hina ala ua, gim leh tawl khu, bangma’n ngailou in hinkhuo a zang uhi. Tuazieh a lamkai utnate, ana deilou uh ahi. Thamlou in, sumlem a, ginum leh chitah, sep leh bawl

dingte Biehna lam ate, amasa pen a apan zieh u khu “THUGUH KEM” ahina tah uh ahi. Thamlou in atate uh zong Hattuum adia khuom leh ban in apang uhi. = HEIHA... Tua bang hilou leh vaihawm ni chieng nop va maw.....

3. Siempute hinkhuo: Pastorte/P/ Pastorte khu Khrist nasem, Pasian thuguh kem ahi zieh un, a posting na mun ding aki gen chiengun, mun hasa na mun akituthaw zieh un, van mipite kipah in alam ziehzieh ding uh i gingta mama uhi.

(a) Akhente: Office a nasem ahizieh un, agenthei dieh uhi. Azieh pen, Biel pumpi ah Hagau mangthai khat bang umkha leh mawpaw zoulou, a gamsung ah, dihtatlouna bang umkha leh amawpuohna zoulou suoh ding ahi man un, sun leh zan in Pasian abun vevaw uhi.

(b) Akhente biel ah: Biel a umte zong vaihawmna sangpen in akoi dungzui in, kipah leh thanuom tah in, a innkuon un apei ua, Pasian Gam nasep khu athanuom mama uhi.

(c) Vaihawmna sangpen in, kumkhat a, innsuon tot ding, muolsuong hon ding, innkot hon ding, naulat ding, Sacrament hom ding, asep abawl dingte sang a aleh 30 aleh 60 aleh tampi in sem in,

innsuon tuon in hundam a umlou
 pienthana thu hil in, apiengtha
 masangsie uh, anngawl thumna toh
 pan nasahtah a la in, itna nasep khu
 imut hun neilou zen in, asem vevaw
 uhi. Nupa/innsung kituohloute
 lemtuo in, Hattuum kituohloute
 lemtuo in, mittui naptui nempi seng
 in, Pasian silbawltheina kitaanpi in
 nna asem vevaw uhi.

Thamlou in, damlou aum chiengin,
 adamna din athumpi ban ah,
 abuoipi vevaw uhi. Shina atuoh
 chiengin, anuoi a nasem LCC te
 toh a poimaw leh zanhah in, inn
 nei hina panmun ala uhi. Mishi

avui chieng un, akipah mama uhi.
 Aziehpén Abiel sung ua, hundamna
 tang ngen ahi zieh ahi. A tate uh
 zong Hattuum sung a khuom leh
 ban giltah ahi ua, tua bang a Khrist
 nasem, Pasian thuguh kem ahi zieh
 un, hasatnate nopna in angai uhi.
 Tua bang a Pasian thuguh kem
 hikha lou lei, vaihawmni chieng in
 hasa mama va e maw!

Tam atung a Khrist nasem, Pasian
 thuguh kem ihi leh ihi lou eima ki
 enchien in, ithinkuo siempha chiet
 dingin simtute zousie Pasian in guol
 hing zawl in vang hing buoh chietta
 hen. Amen.

ZPWF COLUMN

20th July to 20th August 2018 sung a Tunnu Limbel panpina pete:

1. Nu Nousuanching, Central Church	Rs.	500
2. Pi Niangpi w/o Hausuanthang MDC	Rs.	2,000
3. Nu Vunggouniang T. Taalnuam	Rs.	100
4. Nu Thienkim, Thingkangphai	Rs.	500
5. Upa PK Soia, Tuining	Rs.	100
6. Nu Dimneiching, Central Church	Rs.	1000
7. Nh. Chingngailun, Lailamveng	Rs.	200
8. Nu Mannianching, Lailamveng	Rs.	500
9. Pa Khupkhanmang, Lailamveng Kangkal	1	
10. PWF Zomi Colony Anntang Kg. 81 &	Rs.	140
11. Nh. Deiching, Muollum Aahsa 4 kg, mithai 200 man, a		

sum in	Rs.	1,000
12. PWF Chingmang khuo anntang Kg.30		
13. Pi Thangneivah	Rs.	500
13. ZPCS Muollum apat Tunnu Limbel panpina pete: (for July & August 2018)		
1. Nu Chinghat	Rs.	70
2. Nu Chiinlamching	Rs.	40
3. Nu Nuomhoikim	Rs.	10
4. Nu Chingngainuom	Rs.	20
5. Nu Kimneiching	Rs.	30
6. Nu Vungtum	Rs.	30
7. Nu Ngaiching	Rs.	50
8. Nu Vielvung	Rs.	10
9. Nu Zouching	Rs.	90
10. Nu Nianghauching	Rs.	30
11. Nu Dimkchannel	Rs.	20
12. Nu Paungai	Rs.	30
13. Nu Suanniang	Rs.	120
14. Nu Chingngaimang	Rs.	10
15. Nu Ngaikhannieng	Rs.	10
16. Nu Vungsuanching	Rs.	10
17. Nu Dimhoiching	Rs.	50
18. Nu Vunghaulian	Rs.	300
19. Nu Niangsianching	Rs.	60
20. Nu Niangngaiching	Rs.	50
21. Nu Vahsi	Rs.	20
22. Nu Nuamkhanngai	Rs.	20

23. Nu Vungzanieng	Rs.	30
24. Nu Chinguoi	Rs.	20
25. Rev. Dr. Hangpi Manlun	Rs.	180
26. Upa Zamthang	Rs.	50
27. Upa Lunmang & Family	Rs.	500
28. Upa Chingenpau	Rs.	150
29. Sye David Kap	Rs.	90
30. Sye Goukhenmung	Rs.	80
31. Pa Tongminthang	Rs.	40
32. Pa Thangkhansuan	Rs.	50
33. Pa Suanpau	Rs.	50
34. Pa Kam en thang	Rs.	20
35. Pa Hangthang	Rs.	10
36. Pa Kapmeng	Rs.	20
37. Pa Kailal	Rs.	30
38. Pa Mangpi	Rs.	20
39. Tv. Min zou	Rs.	70
40. Tv. Mangboi	Rs.	210
41. Tv. Hangmuonlien	Rs.	10
42. Tv. Laljoy	Rs.	100
43. Tv. George Lialien	Rs.	50
44. Nh. Ngaineinuam	Rs.	10
45. Nh. Chingdei	Rs.	20

Petu zousie Mangpa 'n hing guolzawl zing taken.

Adihloute Office a suhdih theizing ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkthothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzatun	23. Rev. Awnkhankhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkthohawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taihul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhou	116. Upa Pauchinlel
117. Nu Kimneihei	118. Upa Kamgenpau	119. Nh. Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinthang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngaiuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	18. Upa P. Doukholun

Undelivered

Please return to:

The Editor

KHRIŒTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
